

PARRY, WILLIAM JOHN (1842 - 1927), arweinydd Llafur ac awdur

Enw: William John Parry

Dyddiad geni: 1842

Dyddiad marw: 1927

Rhyw: Gwryw

Galwedigaeth: arweinydd Llafur ac awdur

Maes gweithgaredd: Diwydiant a Busnes; Llenyddiaeth ac Ysgrifennu; Gwleidyddiaeth a Mudiadau Gwleidyddol

Awdur: David Thomas

Ganwyd 28 Medi 1842 ym Methesda, Arfon. Bu'n weithgar iawn gyda gwleidyddiaeth ar hyd ei oes, a chymerth ran flaenllaw yn etholiad 1868. Darllenodd bapur i'r Cymmrodorion yn eisteddfod genedlaethol 1882, ar ' Lywodraeth Leol, Daleithiol, ac Ymerodrol,' ond nis cyhoeddwyd yn nhrefnion y gymdeithas hyd 1917-8, am yr ystyrid ef ar y pryd yn rhy chwyldroadol; cynigiodd ynddo aildrefnu llywodraeth leol, diwygio T 'r Arglwyddi, a sefydlu cynghorau taleithiol i Gymru, Sgotland, etc. Yr oedd yn aelod o gyngor cyntaf Sir Gaernarfon yn 1889, ac yn gadeirydd iddo yn 1892-3. Cyflwynodd lawer iawn o lyfrau a phapurau i'r Llyfrgell Genedlaethol ac i lyfrgell Coleg y Gogledd. Cymerth ran amlwg yn sefydliad Undeb Chwarelwyr Gogledd Cymru yn 1874, ac ef oedd ei ysgrifennydd cyntaf, ac yna ei lywydd am flynyddoedd. Ymwelodd â chwarelau Unol Daleithiau yr America yn 1879 ar gais yr Undeb. Cyhoeddodd nifer o lyfrau yn ymwneud â'r chwarelwyr : *Cabraichycaf*; yr *Ymdrafodaeth*, 1875; *Chwareli a Chwarelwyr*, 1897; *The Penrhyn Lock-out*, 1900-1901; *Statement and Appeal*, 1901; *The Cry of the People*, 1906, a golygodd gyda W. J. Williams yr argraffiad Cymraeg o'r tystiolaethau ar chwarelau a chwarelwyr llechi a gyflwynwyd i'r ddirprwyaeth frenhinol ar lafur (1893). Ysgrifennodd lawer i'r *Herald Cymraeg*, *Y Genedl Gymreig*, y *Caernarvon and Denbigh Herald*, a'r *North Wales Observer*, ar bynciau llafur, prydlesoedd, tiroedd y Goron, ymreolaeth, cynghorau sir, cyflafareddiad, etc. Yr oedd yn un o sylfaenydd *Y Werin* yn 1885, ac yn olygydd cyntaf iddi am dair blynedd. Ysgrifennodd lawer hefyd i gylchgronau: *Y Dysgedydd*, *Y Cronicl*, *Y Geninen*, *Cymru (O.M.E.)*, etc. Cyhoeddodd *Cofiant Tanymarian*, 1886; *Cyfrol Jiwibili Capel Bethesda*, 1900; *Telyn Sankey*, 1901; *Cofiant Hwfa Môn*, 1907; *The English Hymnal*, 1907; a llawer o bamffledau. Bu farw 1 Medi 1927.

Awdur

David Thomas, (1880 - 1967)

Ffynonellau

'Hanes fy Mywyd a'm Gwaith' yn *Y Cronicl*, 1908-10, a *Cymru (O.M.E.)*, 1912-4

Who's who in Wales, 1920

Y Genedl, 7 Chwefror a 5 Medi 1927

Darllen Pellach

Erthygl Wicipedia: [William John Parry](#)

Dolenni Ychwanegol

VIAF: [83591456](#)

Wikidata: [Q8013655](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.